

# 7. Birjina maite

Birjina maite lotan dago  
zure seme laztana  
sehaskatxoan ipini zazu  
gure bihotzen kuttuna  
ongi bai ongi igaro ditzan  
gaua eta egunak  
poliki poliki eragiozu  
egin dezan lo ona.

Gizon bihotzak hotza daukate  
Bihotzeko hoztasuna  
Mendi zelaiak edurtean lez  
Zu izaki maitasuna  
Nere bihotzak hain zaitu maite  
Bildotso xuri gurena  
Giza hotzari jaramon gabe  
egin zazu lo ona.

Hotzaren hotzez lasto tartean  
gorde du gorputz gurena  
amak musuka bero nahi luke  
arkume xuri otzana.  
Maitasun eztiz eskeintzen dizut  
maiteñoa nik detana  
bihotz bero bat txirpil goxoaz  
egiteko lo ona.



Popular villancico vasco. En él se insta a la Virgen a proteger y a acunar a su hijo Jesús, y se le desea un sueño plácido, que no se vea entrecortado por la maldad humana.

